

Broj: 1-25-16-4-4035-17/17
Mostar, 20.04.2018.godine

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 69. stav (2) tačka d), člana 70. stav (1), (4) i (6) Zakona o javnim nabavkama („Službeni glasnik BiH“, broj: 39/14), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj: 63/10), direktor Agencije za pružanje usluga u zračnoj plovidbi Bosne i Hercegovine na osnovu zaključka sa 66. sjednice Uprave Agencije održane 18.04.2018. godine, donosi

ODLUKU

o poništenju postupka javne nabavke sanacije zaštitnih ograda u JPAKL Mostar – LOT 1

Član 1.

Prihvata se Preporuka Komisije za javne nabavke broj: 1-25-16-4-4035-16/17 od 21.03.2018. godine i poništava se postupak javne nabavke sanacije zaštitnih ograda u JPAKL Mostar – LOT 1 jer nijedna od primljenih ponuda nije prihvatljiva.

Član 2.

Ova Odluka objavit će se na web-stranici Ugovornog organa: www.bhansa.gov.ba istovremeno s upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

Član 3.

Ova Odluka stupa na snagu danom donošenja.

Obrazloženje

Otvoreni postupak javne nabavke sanacije zaštitnih ograda u JPAKL Mostar – LOT 1 pokrenut je Odlukom o pokretanju postupka javne nabavke broj: 1-11-16-4-4035-1/17 od 05.02.2018. godine i objavom Obavještenja o nabavci broj: 1250-1-3-27-3-21/18 od 23.02.2018.godine kao i Sažetka Obavještenja o nabavci objavljenog u Službenom glasniku BiH – Oglasnik javne nabavke broj 14/18 od 02.03.2018. godine.

Rok za prijem ponuda je bio određen za dan 15.03.2018.godine do 11.00 sati, kao i otvaranje ponuda isti dan u 11.30 sati.

Procijenjena vrijednost predmetne javne nabavke za LOT 1 bez PDV-a je iznosila 69.000,00 KM.

Komisija za javnu nabavku (u daljnjem tekstu: Komisija) imenovana je Odlukom broj: 1-11-16-4-4035-2/17 od 05.02.2018.godine.

Komisija je dostavila Upravi Agencije: Zapisnik o ocjeni ponuda broj: 1-25-16-4-4035-14/17 od 21.03.2018. godine, Izvještaj o radu broj: 1-25-16-4-4035-15/17 od 21.03.2018. godine i Preporuku o poništenju postupka javne nabavke broj: 1-25-16-4-4035-16/17 od 21.03.2018. godine.

U skladu sa Izvještajem o preuzimanju tenderske dokumentacije od strane ponuđača sa Portala javnih nabavki, do krajnjeg roka za preuzimanje tenderske dokumentacije, istu su preuzeli sljedeći dobavljači:

1. COLOREX d.o.o.
2. ekapija doo
3. DIT d.o.o. Tuzla
4. DOMENA d.o.o.
5. BBS Europe
6. PROMARK d.o.o. Mostar
7. Polis doo Prijedor
8. Izgradnja Tojaga d.o.o.
9. Limoplast d.o.o.
10. AMITEA d.o.o.
11. "GTR" d.o.o Mostar

Na sjednici održanoj dana 15.03.2018.godine u 11.30 sati, Komisija je konstatala da su u predviđenom roku, pristigle propisno zapakirane ponude sljedećih dobavljača:

1. G.T.R d.o.o Mostar - 15.03.2018.godine u 09:10 sati
2. DOMENA d.o.o Mostar - 15.03.2018.godine u 10:45 sati

1. Izvršena je analiza ponude ponuđača G.T.R d.o.o Mostar, te se, u skladu sa članom 68. stav (3) Zakona o javnim nabavkama („Službeni glasnik BiH“, broj: 39/14), Ugovorni organ obratio ponuđaču G.T.R d.o.o Mostar zahtjevom za pojašnjenje dokumenata koje je isti dostavio u svojoj ponudi br: 01-21-/18 od 15.03.2018.godine, a koji se tiču tačke 13. Tenderske dokumentacije (tehnička i profesionalna sposobnost) br: 1-25-16-4-4035-5/17 od 23.02.2018.godine.

Naime, navedenom tačkom TD je zahtjevano slijedeće:

„Uslovi:

Da je ponuđač u posljednje dvije (2) godine, ili od datuma registracije, ako je registrovan, odnosno počeo sa radom prije manje od dvije (2) godine, uspješno realizovao najmanje jedan (1) ili više ugovora čiji je predmet sanacija ograda, a čija je ukupna ugovorena vrijednost (zbirno) jednaka ili veća od procijenjene vrijednosti LOT-a za koji dostavlja ponudu, odnosno ukoliko ponudu dostavlja za više LOT-ova čija je ukupna ugovorena vrijednost (zbirno) jednaka ili veća od zbira procijenjenih vrijednosti LOT-ova za koje dostavlja ponudu.

Dokazi:

Spisak izvršenih ugovora o usluzi koja je predmet nabavke, odnosno predmet određenog LOT-a u posljednje 2 godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine. Uz spisak izvršenih ugovora ponuđač je dužan dostaviti potvrde (original ili ovjerene kopije potvrde) koje su izdali primaoci usluge, a koje obavezno sadrže:

- naziv i sjedište ugovornih strana ili privrednih subjekata,
- predmet ugovora,
- vrijednost ugovora,
- vrijeme i mjesto izvršenja ugovora,
- navode o uredno izvršenim ugovorima.

U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede... “

U svojoj ponudi ponuđač je dostavio Potvrdu o uspješnoj realizaciji ugovora, br: 01-522/18 od 24.01.2018.godine izdatu od strane Elektroprijenos BiH, i Uvjerenje o uspješnoj realizaciji ugovora,



bhansa

AGENCIJA ZA PROJEKATNE USLUGE I TEHNIČKI
PREGLEDI BOJNE I TEHNIČKE
AGENCIJA ZA PREGLED USLUGA I BUDŽETNO
PROJEKTOVANJE I NEKILNOSTI
BOSNIA AND HERZEGOVINA AIR NAVIGATION
SERVICES AGENCY

br: 05-44/18 od 18.01.2018.godine izdatu od strane Službe za privredu, razvitak, obnovu i stambeno-komunalne poslove Općine Novi Travnik.

U Potvrdi izdatoj od strane Elektroprijenos BiH se navodi da je predmet Ugovora bila sanacija građevinskih objekata u OP Banja Luka – Lot 1.

U Uvjerenju izdatom od strane Službe za privredu, razvitak, obnovu i stambeno-komunalne poslove Općine Novi Travnik je navedeno da je realiziran Ugovor o izvođenju radova izgradnje IV faze OŠ Safvet-beg Bašagić.

Ponuđač G.T.R d.o.o Mostar je u ostavljenom roku dostavio obrazloženje dokumenata iz svoje ponude u kojem se navode ukupne sume vrijednosti izvedenih radova, i čije vrijednosti koje se odnose na sanaciju ograda iz potvrde i uvjerenja ukupno iznose 59.650,00 KM bez PDV-a (Potvrda = 33.050,00 KM i Uvjerenje = 26.600,00 KM). Dato obrazloženje se ne može smatrati ispunjenjem kvalifikacijskog uslova tehničke i profesionalne sposobnosti kandidata/ponuđača iz razloga jer je ukupna ugovorena vrijednost za sanaciju ograda zbirno manja od procjenjene vrijednosti nabavke za LOT 1 koja iznosi 69.000,00 KM bez PDV-a. U skladu sa članom 68. stav (4) tačka f) ZJN, ponuda ponuđača se odbacuje.

2. Izvršena je analiza ponude ponuđača Domena d.o.o. Mostar, te se, u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15), Ugovorni organ se obratio ponuđaču zahtjevom za prihvatanje ispravke računске greške u ponudi br: 02-03/18-P od 15.03.2018.godine za nabavku sanacije zaštitnih ograda u JPAKL Mostar (LOT 1), i to u Obrascu za cijenu ponude.

Naime, u Obrascu za cijenu ponude za LOT 1, u rubrikama, na kraju tabele, gdje se iskazuje ukupna cijena bez PDV-a, popust i ukupna cijena sa popustom bez PDV-a, ponuđač je naveo slijedeće:

“Ukupna cijena bez PDV-a: 60.192,60 KM

Popust: 10.232,74 KM

Ukupna cijena sa popustom bez PDV-a: 70.425,34 KM”

Prilikom obračuna cijene sa popustom bez PDV-a, iskazani popust je ponuđač sabrao, umjesto oduzeo od cijene bez PDV-a, te s obzirom na navedeno, izračun ukupne cijene u ponudi ponuđača sa popustom bez PDV-a je trebao da iznosi 49.959,86 KM. Također, u Izjavi ponuđača datoj u Aneksu 2. Obrasca za dostavljanje ponude je navedeno da u slučaju razlika u cijenama iz ove Izjave i Obrasca za cijenu ponude, relevantna je cijena iz Obrasca za cijenu ponude.

Ponuđač Domena d.o.o. Mostar je dostavio očitovanje na zahtjev Ugovornom organu kojim je ukazao da isti nije imao namjeru ponuditi popust, te da se radi o grešci popunjavanja rubrike za „popust“ iznosom koji se odnosio na PDV, pa se na osnovu navedenog ponuda ponuđača odbacuje u skladu sa članom 68. stav (4) tačka g) ZJN jer isti nije prihvatio ispravku računске greške.

Utvrđeno je kako je Komisija u svemu pravilno postupila, te da je preporuka o poništenju postupka nabavke data u skladu sa Zakonom i podzakonskim aktima. Naime, u postupku predmetne nabavke nesumnjivo je utvrđeno da nijedna od primljenih ponuda nije prihvatljiva čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2) tačka d) Zakona o javnim nabavkama odlučeno je kao u članu 1. dispozitiva ove Odluke.

